

NË EMËR TË POPULLIT

21. 09. 2017

GJYKATA THEMELORE NË FERIZAJ, si gjykatë e shkallës së parë penale, e perberë nga gjyqtari individual Adem Shabani me zyrtarin ligjor Burim Haxhidema, në çështjen penale të pandehurit [REDAKTUAR] nga [REDAKTUAR] rruga "[REDAKTUAR]", me të cilën në bashkëkryerje kryen veprën penale lëndim i rëndë trupor nga neni 154 par.1 nënë parë 1 dhe 5 lidhur me nenin 23 të KPPK-së, sipas aktakuzës së Prokurorisë Publike Komunale në Ferizaj PP.nr.1051/07 të datës 06.06.2008, në shqyrtimet gjyqësore publike dhe të fundit të mbajtur me datat 04.04.2017, në praninë e përfaqësuesit të akuzës-prokurorit të shtetit Bahri Hyseni të pandehurit [REDAKTUAR] dhe mbrojtësit me autorizim av. [REDAKTUAR], mori dhe publikisht komunikoi këtë :

A K T G J Y K I M

I pandehuri [REDAKTUAR], nga fshati [REDAKTUAR], Komuna [REDAKTUAR], i lindur me datë [REDAKTUAR] në të njëjtin vend nga i ati [REDAKTUAR] dhe e ëma [REDAKTUAR] e gjinis [REDAKTUAR], me profesion polic i SHPK-së në Ferizaj, i martuar babë i tre fëmijëve, ka të kryer shkollën e mesme, i gjendjes së mesme ekonomike i pa denuar deri më tani, shqiptar, shtetas i Republikës së Kosovës, mbrohet në liri.

ËSHTË FAJTOR

Sepse me dt.13.07.2007 rreth orës 23:30 në Stacionin Policor në Ferizaj, në katin përdhësë, në dhomen e intervistimit, në bashkëkryerje, pasi që më parë nga koridori i këtij kati nën dyshimin se ka kryer veprën penale sulm ndaj personit zyrtar është shoqëruar i dëmtuari [REDAKTUAR] deri në dhomën e intervistimit, ku aty futen të gjithë të pandehurit dhe kanë filluar që ta godasin secili me grushta të dëmtuarin në pjesën e kokës prapa dhe në fytyrë, duke ja mbështetur kokën për muri ashtu që nga fuqia e goditjes i dëmtuari pëson lëndime të rënda trupore-mbrejtje (ndrydhje) të shumta të kokës dhe të anës së djathtë të fytyrës, gjakëderdhje në cipat e buta trurorë, sindrome të tronditjes trurorë, thyrje vijëzore e pjesës tëmblore bazale të majtë të kafkes, ejntje e pjesës bazale të trurit, gjakëderdhje nën lëkurorë dhe gërvishje në regjionin e llërës së majtë, reaksion akut ndaj stresit të përjetuar, të cilat lëndime kanë rrezikuar jetën e të dëmtuarit dhe kanë shkaktuar dëmtim të përkoshëm të shëndetit të tij,-

- me të cilën në bashkëkryerje kanë kryer veprën penale lëndimi i rëndë trupor 154 par.1 nën parë. 1 dhe 5 lidhur me nenin 23 të KPPK-së.

Gjykata në bazë të nenit 3, 6, 34, 36, 38,52, 64 të KPK-së dhe neneve 36, par.1, 363 par.1 nënpar.1.1 dhe 365 të të KPPRK-së e

GJYKON

I. Të pandehurin [REDAKTUAR], me dënim me burgim në kohëzgjatje prej 6/gjyshtë/ muaj.

Konform nenit 3 paragrafi 2 dhe nenit 47 të KPRK-së, me pëlqimin e të dënuarit i zëvendësohet dënimi me burg me dënim me gjobë në lartësi prej 1500€/njëmuaj e pesëqindë euro/, të cilin dënim është i obliguar ta paguaj në afat prej 5 /pesë/ muaj, në 5 këste nga 300€ / treqindë euro/ në muaj, bazuar në nenit 46 par.2 të KPRK-së, pasi që aktgjykimi të merr formen e prerë.

Nëse dënimi me gjobë nuk mund të ekzekutohet as në mënyra të tjera të parapara me nenin 46 par.3 të KPRK-së, i njeiti do të ekzekutohet në atë mënyrë që i pandehuri për çdo 20 € do të vuaj një ditë burgimi.

I dëmtuari [REDAKTUAR] me banim të përkoshëm në [REDAKTUAR] në lagjen e [REDAKTUAR], i cili jeton në shtetin [REDAKTUAR] në qytetin [REDAKTUAR] në rrugën [REDAKTUAR], për realizimin e kërkesës pasurore- juridike udhëzohet në kontest civil.

Obligohet i pandehuri që në emër të shpenzimeve të procedurës penale (ekspertizen mjeko ligjore dhe superekspertizen të paguaj ne shumën prej 170 € dhe paushallit gjyqësor prej 30 €, të gjitha në afat prej 30 ditësh pasi që aktgjykimi të merr formen e prerë.

Arsyetim

Prokuroria Publike Komunale në Ferizaj me aktakuzën PP.nr.1051/07 të datës 06.06.2008 ka ngarkuar të pandehurit [REDAKTUAR] nga [REDAKTUAR] rr." [REDAKTUAR]", nr. [REDAKTUAR] nga fsh. [REDAKTUAR], komuna e [REDAKTUAR] nga fsh. [REDAKTUAR] komuna e [REDAKTUAR] dhe [REDAKTUAR] nga [REDAKTUAR], rr." [REDAKTUAR]", për shkak të veprës penale në bashkëkryerje lëndim i rëndë trupor nga neni 154 par.1 nën par.1 dhe 5 lidhur me nenin 23 të KPK-së.

Gjykata për të pandehurit [REDAKTUAR], [REDAKTUAR], dhe [REDAKTUAR] për veprën penale të cilët e kanë kryer në bashkëkryerje lëndim i rëndë trupor nga neni 154 par.1 nënpar.1 dhe 5 lidhur me nenin 23 të KPK-së, e ka shpall aktgjykimin P.nr.98/13 me dt 27.02.2017.

Gjykata në bazë të nenit 36 të KPPRK-së kundër të pandehurit [REDAKTUAR] me aktvendim të dt.27.02.2017, ka veçuar procedurën penale nga të pandehurit tjerë, sipas aktakuzës së Prokurorisë Publike Komonale ne Ferizaj PP.nr.1051/07 të datës 06.06.2008 me të cilën në bashkëkryerje kanë kryer veprën penale lëndim i rëndë trupor nga neni 154 par.1 nënpar.1 dhe 5 lidhur me nenin 23 të KPPK-së, këtë përshkak të gjendjes së tij jo të mirë shëndetësore, dhe ka formuar lëndë të re.

I pandehuri ne shqyrtimin fillestar te mbajtur me dt 05.09.2014 ka deklaruar se nuk e ndien veten fajtor dhe nuk e pranon fajsinë për veprën penale në bashkëkryerje lëndim i rëndë trupor nga neni 154 par.1 nënpar.1 dhe 5 lidhur me nenin 23 të KPPK-së, kështu që gjykata duke u mbështetur në nenin 245 par.6 nënpar.6.1; 6.2 dhe 6.3 të KPPRK-së të pandehurin dhe mbrotjësën e tij av. [REDAKTUAR] ka njoftuar se deri para shqyrtimit të dytë të njëjtit mund të paraqesin kundërshtimet e tyre për provat e propozuara në aktakuzë, të parashtrojnë kërkesë për hudhjen e aktakuzës dhe kërkesë për hudhjen e aktakuzës për shkak të mos përshkrimit të veprës penale sipas ligjit.

Pas mbajtjes së shqyrtimit fillestar para shqyrtimit të dytë me dt. 26.09.2014 i pandehuri [REDAKTUAR] kanë paraqitur kërkesë për hudhjen e aktakuzës dhe kundërshtimin e provave konform nenit 249 dhe 250 të KPPK-së.

Gjykata ka konvokuar shqyrtimin e dytë dhe e ka njoftuar prokurorin e shtetit se në këtë çështje penale i pandehuri ka parashtuar kërkesë për hudhjen e aktakuzës dhe atij ia ka dorëzuar nga një ekzemplar.

Prokurori i shtetit konform nenit 250 par.2 të KPPK-së ndaj kërkesave me shkrim të parashtuara për hudhjen e aktakuzës dhe pushimit të procedurës penale kundër të pandehurit me dt.21.10.2014 ka dhënë mendimin me shkrim ku ka theksuar se kërkesat e parashtuara nga i pandehuri [REDAKTUAR] nuk janë të arsyeshme dhe ka kërkuar nga gjykata që të njëjtat t'i refuzon si të pa bazuara.

Gjykata konform dispozitave të neneve 250 par.3, 253 par.3 dhe 254 par.6 të KPPRK-së me dt.04.11.2014 ka sjellë aktvendim dhe i ka refuzuar si të pa bazuara kërkesat e të pandehurit për hudhjen e aktakuzës dhe pushimin e procedurës penale dhe ndaj këtij aktvendimi i pandehuri ka qenë i udhëzuar për të drejtën në ankesë, por i pandehuri ne afatin ligjor nuk kanë parashtuar ankesë kundër këtij aktvendimi.

Gjykata duke proceduar konform dispozitave të KPPRK-së dhe rrjedhës së kësaj çështje pas ndërmarrjes së gjitha veprimeve ligjore ka kaluar në fazën e shqyrtimit gjyqësor dhe ka mbajtur shqyrtimet gjyqësore sipas radhes me datën 27.02.2017 dhe 04.02.2017.

Prokurori i shtetit [REDAKTUAR] në fjalën përfundimtare me dt 27.02.2014, ka deklaruar se mbetet në tërësi pranë aktit akuzues dhe kualifikimit juridik të veprës penale duke i propozuar gjykates qe te pandehurin [REDAKTUAR] ta shpall fajtor dhe t'i

shqipton sanksion penal të paraparë me ligj gjithashtu me dt. 04.04.2017 edhe prokurori i shtetit Bahri Hyseni i cili ka vazhduar me përfaqësimin e kësaj aktakuze e ka mbështetur në tërsi.

I dëmtuari [REDACTED] iu bashkëngjitet ndekjes penale dhe ka parashtuar kërkesën pasurore-juridike por të njëjtën nuk e ka precizuar në shqyrtimin gjyqësor.

I pandehuri [REDACTED] në mbrojtjen e tij të dhënë në procedurën hetimore, në shqyrtimin gjyqësor, po ashtu e ka parashtuar edhe në formë të shkruar ka deklaruar se nuk e ndien veten fajtor për veprën të cilën ngarkohet, i njëjti ka theksuar se ditën për të cilën akuzohem kam qenë në punë në ndërrimin e pasditës dhe detyra ime ka qenë në cilësi të asistentit të Shefit të ndërrimit [REDACTED] dhe rreth ores 22:50 në radiolidhje kemi dëgjuar se në qytet është një rast rrahje dhe se disa persona kanë kërkuar ndihmë në emergjencë, ne me rreshterin jemi kthyer në stacion pasi që edhe ishte fundi i ndërrimit në mënyrë që këtë rast ta përfundojmë me kohë, deri sa ne kemi qenë në zyrën e shefave të ndërrimit nga korridori ka ardhur një zhurmë shumë e madhe dhe janë dëgjuar fyerje dhe sharje unë kam dalë për të parë se çfarë po ndodh, kur kam dalë në korridor kam vërejtur policin [REDACTED] duke i thenë një personi që ti “heqë duart nga gjepat”, duke shkuar në drejtim të tyre kam dëgjuar personin duke ia kthyer se “nuk i heqi duart nga gjepa, ti nuk je askushi dhe unë bëj çfarë të dua me gjepat e mi”, prapë polici [REDACTED] ka thenë “largoj duart nga gjepat se dua të të bastis”, ai I ka refuzuar dhe [REDACTED] e ka kap për njërin krah për ta kthyer për ta bastisur, atëherë jam afruar edhe unë e kam kapur për krahun tjetër pasi që ai refuzonte bastisjen dhe pa e shtrënguar fort ai e ka shfrytëzuar rastin dhe e ka hequr krahun prej dorës sime dhe me të njëjtën dorë ka tentuar të më godas në fytyrë, unë e kam larguar kokën dhe më ka goditur në krahëror, atëherë e kam kap prapë dhe në atë moment është afruar edhe rreshteri [REDACTED] dhe e kemi bastisur dhe nuk ka pas asgjë të dyshimt edhe pse gjatë gjithë kohës ka lëvizur ka gjuajtur me shqelma, mendohej të lirohej nga ne, megjithatë e kemi dërguar në dhomën e intervistimit, ku ai prapë edhe aty ka filluar në të njëjtën mënyrë duke na sharë dhe kërcënuar duke na thenë se “kur të dal prej këtu do ta shihni se kush jam, ju nuk bëni asgjë, më lëshoni të dal se do ti vras ata me të cilët jemi rrahur dy here në qytet”, dhe gjithë kohën ne i kemi treguar se ne jemi për ti ndihmuar atyre, ne kemi autorizim për ti ndjekur kryesit e veprave të ndryshme, ne në këtë rast jemi në shërbim të tij, mirëpo ai fare nuk na ka dashur të dëgjoj edhe pse me fytyrë dhe trup dukej i skuqur dhe më duket se edhe bluzën e kishte të baltosur ose pluhnosur dhe e kemi lënë në atë zyrë edhe pse herë ulej dhe herë ngritej nga karriga. Mandej unë e kam intervistuar [REDACTED] i cili tregonte detajet e rrahjes në qytet, tregon se i ka ftuar dy kusheri për t’iu revanshuar personave që ishin rrahur më herët dhe se i njëjti kishte lëndime në vetull nga rrahja që kishte ndodhur në qytet.

Në kohën derisa e intervistojam [REDAKTUAR], [REDAKTUAR] ishte në zyrën tjetër dhe e shihja gjithë kohës, kur kam përfunduar intervistimin me [REDAKTUAR], [REDAKTUAR] veq ka qenë i qetë atëherë, jam kthyer në dhomën ku ka qenë ai kemi biseduar për rastin e rrahjes në qytet dhe pastaj e kam njoftuar që do ta marr në pyetje si i dyshuar për pengim të personave zyrtar gjatë kryerjes së detyrës zyrtare dhe sulm ndaj personave zyrtar, në atë kohë ai ishte i qetë dhe ndihej keq për gjithë ato gjëra që i ka bërë ndaj nesh, e kam intervistuar dhe ka kërkuar që të qëndroj bashkë me [REDAKTUAR] pas konsultimit me shefin e ndërrimit i kemi lejuar që të rrinë së bashku të dy me një dhomë pas intervistimit pra të gjitha veprimet të cilat i kam ndërmarrë kanë qenë të bazuara në ligj.

I pandehuri e mbështet në tërsi flalën përfundimtare dhe shtesën të dorzuar me shkrim nga i mbrojturi i tij av. [REDAKTUAR]

Mbrojtësi i të pandehurit av. [REDAKTUAR] në shqyrtimin gjyqësor dhe në fjalën përfundimtare ka deklaruar se mbetet në tërsi pranë fjalës përfundimtare që e ka dorëzuar me shkrim dhe pjesën shtesë të fjalës përfundimtare se klienti i tij nuk është përgjegjës për veprën penale që akuzohet, tani është në gjendje jo të mirë shëndetësore, andaj i ka propozuar gjykatës që ta shpall të pa fajshëm, nëse e shpall të fajshëm me denim me burgë përshkak të gjendjes shëndetësore i njëjti nuk mundet ti përballoj, andaj dënimi në vuajtje ti zëvendëson në denim me gjobë, me te cilin do të arrihet qëllimi i denimit.

I dëmtuari [REDAKTUAR] në procedurën hetimore ashtu edhe gjatë dëshmisë së tij të dhënë në shqyrtimin gjyqësor, ka theksuar se tani është duke jetuar në shtetin e [REDAKTUAR] dhe ka shtetësi të Kosovës dhe [REDAKTUAR] lidhur me rastin ka deklaruar se natën kritike me vëllain tim dhe me të fejuarën ishim në një restorant në magjistrale dhe duke qëndruar aty vëllai ka marrë një telefonatë dhe pas telefonatës ai më njofton se ne duhet të ikim nga këtu pa më treguar arsyen menjëherë, të fejuarat i kemi kthyer te shtëpitë e tyre dhe pastaj vëllai më tregon se e kishte ftuar ne telefon [REDAKTUAR], djali i axhës dhe kishte thënë se ishin përfshirë në një rrahje dhe me të arritur në qytet kanë vërejtur një tollovi të njerëzve dhe kanë parë djemtë e axhës [REDAKTUAR], [REDAKTUAR] dhe [REDAKTUAR] i cili me thikë ishte i therrur në shpinë dhe në atë moment vëllai im e ka marrë [REDAKTUAR] dhe me taksì e ka dërguar në emergjencë, ndërsa ne kemi vrapuar të gjithë drejt emergjences, kur kemi arritur aty [REDAKTUAR] vetëm e kishin futur brenda duke i afruar ndihmën mjekësore, kurse unë dhe [REDAKTUAR] kemi marrë veprimin për të lajmruar policinë dhe për t'a njoftuar për rastin. Në atë moment kanë takuar një person me rroba civile i cili është prezantuar si polic dhe iu ka thënë se mund t'a njoftoni policinë, në ndërkohë ka arritur axha [REDAKTUAR], babai i [REDAKTUAR] dhe ende pa e njoftuar lidhur me rastin ka kaluar një patrullë e policisë të cilën e kanë ndalur e aty ishin dy policë një i gjinisë mashkullore dhe një e gjinisë femërore, ku menjëherë ka ardhur edhe një patrullë tjetër e njëri prej policëve aty ishte [REDAKTUAR] të cilin më parë nuk e kam njohur por më vonë kam mësuar se ky ka qenë i cili ka dashur në mënyrë të

dhunshme të na arreston e ne atyre u treguam se kishte ndodhur një rrahje ku ishte therrur djali i axhës, e policia në mënyrë të ashpër donin të n'a dërgonin në stacion të policisë por axha [REDACTED] iu ka thënë se për çfarë arsye doni t'i prangosni këta persona, ata u përgjigjën se duhet të vini në stacionin e policisë por axha [REDACTED] deshi t'i njofton me rastin që kishte ndodhur dhe iu tha policëve se unë do t'i sjellë me veturën time në stacion ku menjëherë iu kemi përgjigjur thirrjes dhe sapo kemi arritur para stacionit të policisë kemi dalë nga vetura dhe kur kemi hyrë brenda në stacion kemi vërejtur një numër të madh të policëve në korridore ku vëllain [REDACTED] njëri nga policët e ka kapur për dore por nuk më kujtohet cili polic dhe e ka tërhequr në mënyrë të dhunshme dhe unë i kam thënë mos e kapë për dore se më heret e ka dorën e lënduar dhe kishte shufra në dorë të vendosura në shtetin e [REDACTED] por polici në fjalë nuk ka dëgjar fare dhe unë më pas i kam futur duartë në xhep pa ndonjë arsye dhe njëri nga policët i cili tani nuk është prezent në shqyrtimin gjyqësor për nga lartësia ka qenë i gjatë dhe më ka bërë titur me një ton të lartë duke më thënë hiqi duart nga xhepi dhe i habitur i thashë pse zotëri polic, më është afruar i akuzuari [REDACTED] dhe më ka goditur me shuplakë dhe në atë moment e ka dhënë urdhërin të më kapin policia ku më kanë kapur dhe më kanë mbështetur për muri dhe në mënyrë brutale më kanë hapur këmbët dhe unë i kam ngritur duartë lartë ku policët thoshin hiqnja thikën dhe revolen, derisa isha i mbështetur për muri polici që është prezent në sallë në cilësinë e të akuzuarit [REDACTED] më ka goditur me grusht prapa shpine, kurse polici [REDACTED] më ka goditur me shuplakë dhe aty kam mësuar se i njëjti e kishte pseudonimin [REDACTED]

Pas marrjes së goditjeve aty afër ishte një dhomë dhe më kanë dërguar aty, më kanë përplasur si kafshë dhe kam vërejtur se aty brenda ishte vëllai im [REDACTED] dhe menjëherë e kanë larguar nga aty, ndërsa mua më kanë përplasur për tavoline e njëri nga policët më ka goditur pas koke me boks dhe në atë moment kam bërë titur dhe iu kam thënë çka iu kam bërë unë juve dhe iu thosha mos më goditni dhe kërkoja t'a kem prindin prezent. Në vazhdim ka deklaruar se e kanë goditur pandërprerë [REDACTED] [REDACTED] dhe [REDACTED] por këtë e kanë bërë me urdhërin e [REDACTED]

Nga goditjet e marra në kokë dhe ne fytyrë ka filluar t'i rrejdh gjakë dhe në ndërkohë ka dëgjuar një zë femre e cila kishte hyrë brenda në dhomë e iu ka thënë "nuk po iu vjen marre çfarë jeni duke i bërë këtij djali" e në atë moment i kujtohet se njëri nga policët e ka ofenduar policen duke i thënë dil nga dhoma se po t'a q... nanën, dhe në këto momente kanë filluar të më godasin edhe më shumë dhe nga goditjet që kam marrë ka filluar t'a humb memorien dhe më nuk kam mundur t'a përciell' gjendjen se kush hyn e del nga dhoma. Në vazhdim thotë se gjërat që kam prëjetuar atë natë nuk do t'i harroj kurrë dhe për mua ajo dhomë ishte dhomë e krimit, unë asgjë keq nuk kam pasur me këta persona dhe nuk e di pse ka ndodhur gjithë kjo rrahje ndaj meje, pas kësaj është dërguar në qendren emergjente për t'i dhënë ndihmë dhe menjëherë është dërguar në QKUK në Prishtinë ku ka qëndruar 7-8 ditë.

Dëshmitari [REDACTED] në procedurën hetimore dhe në shqyrtimin gjyqësor me dt.21.01.2015 ka theksuar se me dt.13.07.2007 në orët e mbrëmjes me [REDACTED] dhe të fejuarat tona të cilat janë motra ishim në një restorant në Magjistrale ku nga aty me telefon është njoftuar nga [REDACTED] i cili ishte i moshës së mitur e që ishte me djemtë e axhës në qytet, se iu kishte ndodhur një problem dhe menjëherë pa i treguar askujt kanë lëshuar lokalin dhe i kanë dërguar të fejuarat në shtëpi të tyre dhe [REDACTED] i ka treguar se [REDACTED] ishte rrahur në qytet me disa persona për ku edhe janë nisur. Kur kanë arritur tek vendi ku ka ndodhur rrahja kanë vërejtur një grumbull personash dhe me t'u afruar kemi parë [REDACTED] i cili ishte i therrur me thikë në shpinë dhe për një moment e kam ftuar në një taksë dhe e kam dërguar në emergjencë, ndërsa [REDACTED] dhe [REDACTED] kanë ardhur pas neshë duke vrapuar. Pasi [REDACTED] e kemi futur në emergjencë kam dalë jashtë dhe e kam parë një person i cili ishte në rroba civile dhe e njoftova se çfarë kishte ndodhur dhe ai më është prezantuar si polic duke më treguar edhe kartelën e policisë, ndërsa nga i njëjti kam kërkuar të më tregon se çfarë të bëj e ai më tha tash do t'a njoftoj policinë dhe në atë moment ka ardhur axha im [REDACTED] dhe pasi në atë moment kalonte një veturë e policisë andej e ka ndalë të njëjtën ku kanë qenë një polic mashkull dhe një femër dhe derisa bisedonim me ta ka ardhur edhe një patrullë tjetër në të cilën gjendej edhe një polic që më vonë e kemi identifikuar tek prokurori i shtetit se ishte [REDACTED] me dy kolegët e tij, derisa bisedonim me [REDACTED] e ku ishte edhe axha im [REDACTED] e të cilit i spjegonim se ishim të dëmtuar dhe se fare nuk kemi qenë në vendin ku kishte ndodhur ngjarja u morëm vesh dhe ramë dakord me [REDACTED] që të shkojmë në stacion dhe me makinën e axhës kemi shkuar deri në stacionin e policisë, derisa axha im u ndal t'a parkonte veturën, neve na kanë futur në stacion ku kam parë shumë policë bile nuk e dija se e prisnin kriminelin apo neve si dëshmitar, për një moment polici [REDACTED] me një koleg të tij më është gjuajtur në dorën e djathtë e të cilën e kisha të sëmurë pasi e kisha lënduar në [REDACTED] ku edhe kam prova nga sptali në [REDACTED] dhe për një moment vëllai im [REDACTED] i tha policit [REDACTED] mos e kapni për dore se e ka dorën e thyer dhe [REDACTED] më ka lëshuar ndërsa më ka kapur një koleg tjetër i tij ku preznet ka qenë edhe një police femër dhe polici [REDACTED] i cili i pari ka filluar të bërtas me fjalët "hiqi duartë nga xhepi "dhe m'i ngriti lartë dhe në atë moment [REDACTED] dhe polici me numër 4972 e që më pas e kam identifikuar tek prokurori e që quhet [REDACTED] e kanë kapur [REDACTED] dhe i kanë thënë "ngriti duart lartë "dhe pasi ai i ngriti e që ishte i kthyer me fytyrë ka muri polici [REDACTED] që e mosëva sot se cili është i pari e ka goditur me grusht [REDACTED] në bel dhe menjëherë polici me numër 4972 të cilin në atë kohë e thërrisnin me pseudonimin [REDACTED] i ka rënë shuplakë nga prapa dhe [REDACTED] u hutua pasi unë isha aty kur përdornin dhunë ndaj vëllait tim dhe menjëherë i udhëroi të më fusin në një dhomë në të cilën më kanë gjuajtur si qen dhe pas 2-3 minutash edhe [REDACTED] e kanë futur aty, ndërsa [REDACTED] më ka nxjerrë mua, ndërsa aty janë sulur [REDACTED] [REDACTED] [REDACTED] dhe [REDACTED] dhe disa polic tjerë që ishin grumbull, ndërsa unë isha jashtë së bashku me një polic që quhet [REDACTED] e me ne ishin edhe [REDACTED]

██████████ dhe ██████████ dhe një police që quhej ██████████ por të cilën nuk e kemi asgjë dhe në ato momente ka filluar dhuna ndaj ██████████ i cili bërtiste në zyrën e përmendur dhe qante ndërsa unë kam kërkuar nga policja ██████████ të hyn brenda dhe t'a nxjerrë ██████████ që të mos përdorej dhunë ndaj tij dhe e njëjta është futur dhe iu ka thënë "marre duhet t'iu vije se çfarë po i bëni djalit" dhe në atë moment e kam parë ██████████ duke e sharë ██████████ dhe duke e nxjerrë jashtë.

Pas pak ka dalë ██████████ dhe nga i njëjti kam kërkuar të më lejon t'a ftoj prindin tim, i njëjti më ka dhënë leje dhe i kam thënë ██████████ për ta ftuar pasi kishte telefon me vete dhe i njëjti e ka ftuar prindin por për një moemtn ka dalë polici ██████████ e të cilin në atë kohë e quanin ██████████ dhe e ka kapur ██████████ edhe pse ai ishte i mitur, e ka futur në një dhomë për të përdorur dhunë ndaj tij por ka ndërhyrë policja ██████████ dhe një polic tjetër dhe e kanë tërhequr, ndërsa gjatë gjithë kohës në dhomën ku gjendej ██████████ dëgjoheshin fjalët "ne ta q... nënën, ne jemi zot për ty" dhe për një moment kanë dalë të gjithë policët nga dhoma ndërsa unë i jam lutur ██████████ se a ka mundësi të hyjë e ta shoh ██████████ dhe ai më dha leje por jemi futur së bashku dhe kur kam hyrë brenda jam tmerruar se në çfarë gjendje e kishin bërë, ishte i tëri i gjakosur, ishte enjtur dhe vetëm thoshte ftojeni babain se më kanë mbytur duke më rrahur, pas pak kohe është futur ██████████ me disa letra dhe kërkonte që t'i nënshkruante ██████████ por unë kam kërkuar t'i lexoj se çfarë do të nënshkruante por ata nuk m'i kanë dhënë dhe ██████████ kërkoi lejen nga ██████████ duke thënë këtë lëshoma mua se "ia q... nënën dhe do ia bëj më zi se vëllait të tij" dhe më ka nxjerrë jashtë një polic i quajtur ██████████ ndërsa se çfarë ka ndodhur brenda më nuk e di, derisa ██████████ së bashku me ██████████ ishin duke më dërguar shkallëve në katin tjetër është futur prindi im ██████████ dhe më pyeti se ku je duke shkuar e unë i tregova se ██████████ e kanë rrahur, ndërsa ██████████ tha se këtij do t'ia bëjmë më zi se vëllait, ata u shtynë pak me fjalë ndërsa mua ██████████ më dërgoi në një kat me lartë në një zyrë dhe pas pak ka ardhur ██████████ dhe prindi im por ██████████ menjëherë i dha urdhër ██████████ për t'a dërguar prindin tim në një dhomë tjetër ndërsa mua më tha shpyqyr që ishit në të njëjtën dhomë kur erdhi prindi se do t'a kisha "q...p..... e nënës" dhe në atë moment ka filluar të më pyes për të marrë një deklaratë por unë nuk isha në gjendje të japë pasi isha i hutuar për atë se çfarë kishte ndodhur pasi nuk dija se a ishim dëshmitarë apo personat që e kishim therrur djalit e axhës.

Dëshmitari ██████████, në shqyrtimin gjyqësor të dt.12.10.2015 ka theksuar se të dëmtuarit ██████████ dhe ██████████ i ka djemë dhe tani ata jetojnë në ██████████ dhe kanë nënshtetësi ██████████ e në Kosovë vijnë kur i marrin pushmet dy herë në vit. Thekson se atë ditë ishte duke shkuar në Prishtinë me një shok dhe me të arritur tek një pompë e benzines afër Lipjanit më ka ftuar me telefon djali i vëllait ██████████ i cili më tha shpejtë të lajmrohem në Stacionin Policor në Ferizaj sepse ██████████ do t'a mbytë policia. Jam kthyer menjëherë me shokun që ishte e tani nuk është në jetë, sapo kam arritur te stacioni i policisë kam hyrë brenda ku ishin edhe familaret e mi dhe kam

kërkuar nga policia të takohem me [REDACTED]. Madje kam qenë në gjendje afekti, më kujtohet se i kam ofenduar policët, e për këtë iu kam kërkuar falje publike në korridorin përdhes por ata nuk ma kanë mundësuar të takohem me djalin [REDACTED] dhe më kanë dërguar në katin e dytë tek polici [REDACTED] dhe një tjetër me emrin [REDACTED] ku kam dhënë deklaratë lidhur me ofendimin e personave zyrtarë. Derisa isha duke biseduar me policin [REDACTED], dy policë e sollën [REDACTED] për krahtë në zyren ku isha duke u intervistuar. Aty iu kam thënë t'a kryejnë punën me të dhe t'a dërgojnë te mjeku, por ato më thanë se nuk i kemi bërë asgjë, ndërsa djali më tha "baba shiqo çka më kanë bërë policia" e unë përsëri kam kërkuar urgjentisht t'a dërgojnë në emergjencë, e kanë afruar pranë meje e më pas e kanë dërguar në emergjencë. Gjithashtu kur kam hyrë në stacion i kam parë policët kur [REDACTED] e kanë goditur. Pas përfundimit të intervistës [REDACTED] më ka informuar se [REDACTED] e kishin dërguar për Prishtinë në Emergjencë, menjëherë kamë shkuar atje dhe djali ishte dërguar për t'i bërë CT-në. Për shkak të lëndimeve që kishte pësuar ka qëndruar 7 ditë në spital e më vonë ka bërë kontrolla të vazhdueshme për lëndimet që kishte pësuar. Në vazhdim ka deklaruar se ndalesën prej 72 orësh ua kanë caktuar për të mbuluar atë çfarë kanë bërë me djalin dhe pasi e kanë tërhequr djalin nga spitali e kanë dërguar në Stacionin Policor në Ferizaj e pastaj në gjykatë. Unë nuk kam pas dijeni fare se djali i vllait ishte i therrur me thikë pasi isha në rrugë me një shok, nuk ka pasë kohë t'a vizitoj atë në spital pasi djali i im ishte me shëndet shumë të rëndë.

Dëshmitari [REDACTED] ka deklaruar se djali im [REDACTED] më ka ftuar me telefon në mbrëmje dhe më ka njoftuar se [REDACTED], djalin e vëllait, e kanë therrur. Menjëherë e kam marrë veturen dhe kam shkuar tek spitali në Ferizaj dhe ndihma e shpejtë sapo ishte duke dalur nga aty për të shkuar për Prishtinë. Aty takova djalin dhe nipat si dhe dy policë dhe i pyta se çka ka ndodhur dhe dëgjova se u thoshin fëmijëve që tani duhet të vini në polici, ndërsa unë iu thashë policëve se jam prind i tyre dhe mund të bisedoni me ta. Njëri insistoi të më kapte por ndërhyra duke i thënë se këta janë të mitur dhe se janë palë të dëmtuara, shikoni në mos me keni marrë gabim. Në ndërkohë ka arritur një patrullë e policisë dhe me ata jam marrë vesh që fëmijët t'i dërgoj vetë në stacionin e policisë me veturen time dhe i kam dërguar [REDACTED], [REDACTED] dhe [REDACTED] dhe me të arritur aty një polic më tha se veturën duhet t'a largoj nga aty të cilën edhe e kam larguar, ndërsa fëmijët janë shoqëruar brenda stacionit derisa unë për 1-3 minuta e kam parkuar veturën dhe jam kthyer në stacion dhe posa jam afruar për të hyrë brenda kam dëgjuar bërtimat e fëmijëve e policia para meja ka bërë një mur të gjallë (janë rreshtuar) duke mos më lënë të futem brenda. Policëve iu thashë "mosni se ata janë fëmijë". Pasi i dëgjoja të goditurat dhe flakareshat që u jepeshin, aty pari kaloi një person të ëilin e njihja dhe nga i njëjti kërkova të shikon se ata po ia rrihnin fëmijët e ai m'u përgjigjur "nuk mund të bëj asgjë për këtë". Nga ajo pozitë munda t'a vërej djalin tim [REDACTED] i cili ishte lidhur për radiatorin dhe i njëjti posa më ka parë tha me zë të lartë "o baba na mbytën duke na rrahur" dhe në atë moment ka kaluar një police me mbiemrin [REDACTED] dhe pasi e njëjta

më ka pyetur se pse isha aty, nga e njëjta kam kërkuar të më mundësohet t'i afrohem djalit tim [REDACTED] dhe pas 5 minutash djalin m'a sollën tek hyrja e stacionit, e kishin liruuar të cilin ia dhashë e ai e ka dërguar në shtëpi, ndërsa unë së bashku me vëllezërit kemi qëndruar aty dhe tek dikur 2-3 orë pas kësaj kam shkuar edhe unë në shtëpi, kam takuar djalin dhe pashë se ishte mirë dhe menjëherë kam shkuar në Prishtinë për të parë gjendjen e [REDACTED] të cilin edhe e kam takuar por atë natë [REDACTED] nuk e kam takuar pasi isha në presion të madh për shëndetin e [REDACTED], ndërsa për [REDACTED] kam dëgjuar në ndërkohë nga vëllai [REDACTED] se çfarë i kishte ndodhur atij.

Dëshmitari [REDACTED] në shqyrtimin gjyqësor të mbajtur me dt.21.01.2015 ka theksuar se natën kritike me dt.13.07.2007 kam dalë së bashku me [REDACTED], [REDACTED] dhe [REDACTED] për të shëtitur në qytet, derisa shëtisnim një grup prej 7-8 vetash na kanë fyer në mënyra të ndryshme ndërsa ne bëheshim se nuk i dëgjonim. Këtu djali i axhës [REDACTED] është kthyer iu ka thënë "çfarë po iu bëjmë që po na ofendoni". Në këtë moment personi me emrin [REDACTED] e ka goditur [REDACTED] e pas kësaj ne ikëm nga këtu meqë ata ishin disa persona dhe shkuam në një kafiteri dhe me telefon e kemi ftuar [REDACTED] i cili më tha se nuk mund të vjen menjëherë po pas 20 minutash. Aty kemi qëndruar ca kohë pastaj kemi filluar të dalim. Personat në fjalë ishin duke na pritur jashtë dhe menjëherë kan filluar të na rrahin me ç'rast njëri nga prapa më ka goditur me thikë në shpinë dhe menjëherë kanë ikur të gjithë kurse disa qytetarë janë grumbulluar dhe në atë moment ka ardhur [REDACTED] dhe [REDACTED] dhe më kanë futur në një taxi e më kanë dërguar në emergjencë. Është e vërtetë se unë e kam ftuar [REDACTED] për t'më marrë pasi ai posedonte patent shofer dhe veturë, por të njëjtin e kam ftuar ende pa u.therrur.

Dëshmitarja [REDACTED] në shqyrtimin gjyqësor të mbajtur me dt.28.12.2015 ka theksuar se për rasin që ka ndodhur jam informuar nga vëllai [REDACTED] pasi isha me punë në QKMF në Ferizaj. Vëllai më ka njoftuar përmes telefonit se duhet të shkoj në Prishtinë për shkak se e kanë therrur djalin e vëllait [REDACTED] dhe se e kanë dërguar për operim në Prishtinë. Më kujtohet se kam shkuar pas orarit të punës për t'a parë [REDACTED] i cili ishte therrur më thikë. Nga vëllai [REDACTED] jam njoftuar se ai është duke ardhur për Prishtinë pasi djalin [REDACTED] e ka në gjendje të rëndë. Me të arritur në Prishtinë, deri sa isha te [REDACTED] nga aty jam paraqitur në emergjencë dhe e kam parë edhe [REDACTED] aty.

Me familjaret jam takuar aty pasi ishin në spital për [REDACTED], ndërsa [REDACTED] e kam parë në neurokirurgji për çka edhe jam konsultuar me mjekët për gjendjen e tij. Gjendja e tij ishte shumë e rëndë, gjendje konfuzë me hematome në kokë dhe fytyrë dhe gati pa vetëdije dhe për shkak të gjendjes së tij të rëndë i është bërë edhe CT-ja. I njëjti ka qëndruar në spital për disa ditë. Në vazhdim ka theksuar se [REDACTED] ishte therrur me thikë në Ferizaj ndërsa sa i përket lëndimeve që kishte marrë [REDACTED] jam informuar nga vëllai se ato i kishte marrë në Stacionin Policor në Ferizaj. Këto njoftime i kam marrë nga vëllai

dhe djali i vëllait [REDACTED] pasi ishin aty. Në kohën kur [REDACTED] ishte dërguar në emergjencën e Ferizajt unë nuk isha aty por isha në Spitalin e Prishtinës.

Dëshmime të lartëshënuara gjykata iu shprehu besimin e plotë dhe i vlerësoi si bindëse dhe reale pasi i demtuari [REDACTED] dhe dëshmitarët [REDACTED], [REDACTED] [REDACTED] dhe [REDACTED], secili veç e veç kanë dëshmuar në menyre konkrete e të detajuar, kanë shpjeguar zhvillimin e ngjarjes dhe veprimet inkriminuse të pandehurit [REDACTED]. Si në procedurën hetimore ashtu edhe gjatë shqyrtimeve gjyqësore kjo vërtetohet edhe me dhënien e mendimit dhe konstatimit të ekspertit të mjekësisë ligjore Dr. [REDACTED] MD Mse FPCFP mjeko-ligjor të dt.10.04.2008, përkitazi me lëndimet që ka pësuar i demtuari [REDACTED] e sipas ekspertit lëndimet vlerësohen si lëndime të rënda trupore. Kjo është vërtetuar edhe me superekspertizën mjekësore në përbërje prej prof. Dr. [REDACTED], Dr. [REDACTED] dhe Dr. [REDACTED]-Neurokirurg nga të cilët konstatohet se i demtuari [REDACTED] lëndimet që i ka marrë paraqesin lëndime të rënda trupore dhe si të tilla kanë mundur t'a rrezikojnë jetën e tij. Këto lëndime kanë shkaktuar dëmtim të përkohshëm të shëndetit të pacientit pa pasoja, e kësaj superekspertize gjykata i shprehu besimin e plotë dhe e vlerësoi si bindëse lidhur me rastin konkret.

Gjykata pjesërisht i ka falë besim edhe deklaratave të dëshmitareve që janë dëgjuar gjatë shqyrtimit gjyqësor lidhur me këtë çështje penale: [REDACTED], [REDACTED], [REDACTED] dhe [REDACTED]

Gjykata e vlerësoi edhe mbrojtjen e të pandehurit [REDACTED] si dhe mbrojtësit të tij av. [REDACTED] se nuk ka kryer veprë penale për të cilën akuzohet dhe kinse lëndime trupore i demtuari [REDACTED] nuk ka pësuar po edhe nëse i ka pësuar ato ka mundë t'i pëson nga rrahja që ka ndodhur në qytet në mes dy grupeve, por gjykata gjeti se e njëjta është e pabazuar dhe se i pandehuri me një mbrojtje të tillë ka për qëllim shmangien nga përgjegjësia penale apo eventualisht zvogëlimin e saj sepse e njëjta është në kundërshtim me të gjitha provat tjera të cilat i posedon gjykata në shkresat e kësaj lënde.

Mbi gjendjen e tillë të fakteve të vërtetuara dhe provave të administruara dhe pas vlerësimit të secilës provë një nga një dhe në lidhshmëri me njëra tjetrën gjykata ka vërtetuar se i pandehuri [REDACTED] në bashkryerje ka kryer veprën penale lëndimi i rëndë trupor 154 par.1 nënpar.1 dhe 5 lidhur me nenin 23 të KPK-së.

Me rastin e caktimit të llojit dhe lartësisë së dënimit gjykata pati parasysh të gjitha rrethanat në kuptim të nenit 64 të KPK-së të cilat ndikojnë në llojin dhe lartësinë e tij. Si rrethana lehtësuese për të akuzuarit mori se më parë nuk kanë qenë të dënuar për vepra

penale me aktgjykim të formës së prerë, gjendjen e tij jo të mirë shëndetësore i martuar babë i tre fëmiye, me pagën e tij i mban familjen ka deklaruar se tjetër burim të të ardhurave nuk ka, ndërsa rrethana rënduse për të akuzuarit gjykata mori mënyrën dhe rrethanat në të cilat është kryer vepra penale, mbi bazën e këtyre rrethanave gjykata vlerësoi shkallën e përgjegjësisë penale të pandehurit dhe rrezikshmërinë konkrete të kësaj vepre penale duke qenë e bindur se dënimi i shqiptuar si në dispozitiv është plotësisht i justifikueshëm në raport me veprën penale dhe personalitetin e të pandehurit dhe se me një dënim të tillë arrihet qëllimi ndëshkimor nga neni 34 i KPK-së në kuptim të preventivës speciale që tek i pandehurit të ndikon në mënyrë edukative që në të ardhmen të mos kryej vepra penale dhe atë gjenerale që të ndikon tek personat e tjerë që t'përmbahen në nga kryerja e veprave penale.

Gjykata konform nenit 463 parag.1 lidhur me par.3 të KPPRK-së, të dëmtuarit: [REDAKTUAR], me banim të përkohshëm në rrugën lagjen e” [REDAKTUAR], Komuna e [REDAKTUAR], dhe [REDAKTUAR] me banim te përkohshëm ne rrugën lagjen e “ [REDAKTUAR]”, Komuna Ferizaj të cilët tani jetojnë në [REDAKTUAR] në qytetin [REDAKTUAR], në rrugën [REDAKTUAR] [REDAKTUAR], për realizimin e kërkesës pasurore-juridike udhëzohen në procedurë kontestimore.

Konform nenit 450 par.2.6 të KPPK-së obligohen të akuzuarit që në emër të shpenzimeve gjyqësore të paguajnë shumë prej 170 Euro dhe paushallin gjyqësor në shumë prej 30 €, të gjitha këto në afat prej 15 ditësh nga dita e plotfuqishmërisë së aktgjykimit.

Nga sa u theksua ma lartë gjykata vendosi si në dispozitiv të këtij aktgjykimi.

GJYKATA THEMELORE NË FERIZAJ

P.nr.555/17 i dt.04.04.2017

Zyretari Ligjor
Burim Haxhidema

Gjyqtari
Adem Shabani



KËSHILLA JURIDIKE:

Kundër këtij aktgjykimi lejohet ankesa në afat prej 15 ditëve, nga dita e pranimi Gjykates së Apelit në Prishtinë, përmes kësaj gjykate.